



Ukuhlomisa izingane zethu
ngelikusasa

SS 2

**Isihloko sesifundo: Ukuzalwa kukaJohane uMbhapathizi - uMariya
no-Elizabethi**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukuzalwa kukaJohane uMbhapathizi - uMariya no-Elizabethi**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 2. 2.4: Uyacelwa uthinte uThisha wakho we-SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Ukuzalwa kukaJohane uMbhapathizi - uMariya no-Elizabethi
Umbhalo weBhayibheli	NgokukaLuka 1: 1-25 noNgokukaLuka 1: 57-80
Inhloso yesifundo	Izingane zifunda ukuthi uNkulunkulu uyazigcina izithembiso zaKhe.

Isifundo esifingqiwe:

- UZakariya wayengomunye wabapristi ethempelini.
- Ngelinye ilanga ekuseni elungiselela ukushisa impepho ealtharini ethempelini, kwavela ingelosi yeNkosi, egama layo linguGabriyeli.
- Ingelosi yamthembisa indodana nokuthi kufanele iqanjwe ngokuthi uJohane. UNkulunkulu ukhethe lengane ukulungiselela indlela kaJesu Kristu. Kamuva, esekhulile, uJohane wabizwa ngokuthi uJohane uMbhapathizi ngoba wabhaphiza abantu ngemuva kokuphenduka ezonweni zabo.
- UZakariya wethuka futhi wadideka, futhi akazange ayikholwe ingelosi njengoba yena nomkakhe, u-Elizabeth, besebakhulile kakhulu. Kwakungeke kwenzeke kumuntu ukuthi babe nengane.
- Ngenxa yokungakholwa kwakhe, ingelosi yathi uZakariya uzoshaywa ngobumungulu kuze kufezeke isithembiso. Lapho ephuma ethempelini wayengakwazi ukukhuluma.
- Cishe emva kwezinyanga eziyisithupha uZakariya ethole lomyalezo wasezulwini, yona le ingelosi yavela kuMariya, eNazareth, yamthembisa ukuthi naye uzothola indodana futhi uzoyiqamba igama lokuthi nguJesu. UMariya wakholwa yingelosi ngokushesha.
- U-Elizabethi noMariya babehlobene.
- UMariya wajabula kakhulu ngenjabulo yakhe enkulu kangangokuba kwadingeka abelane nothile ngayo. Konke kuyindida kakhulu.
- Unquma ukuvakashela u-Elizabethi futhi wahlala naye izinyanga ezintathu.
- Bobabili babebheke phambili ekuzalweni kwezingane zabo.
- Isithembiso sengelosi sagcwaliseka. Babeletha izingane zabo baziqamba amagama njengoba kusho ingelosi.



Ingabe sisho ukuthini lesisifundo kithina namhlanje na?

- Zombili lezi zingane zathenjiswa yingelosi yeNkosi, futhi zombili lezo zithembiso zagcwaliseka.
- UMariya wakukholwa okushiwo yingelosi, kodwa uZakariya akazange akholwe futhi wajeziswa ngokungakholwa kwakhe.
- Izithembiso zikaNkulunkulu nazo saziswa ngazo.
- Sikholwa ukuthi isithembiso sokuthi uJesu uzobuya azosilanda sizogcwaliseka futhi siyasilungiselela.
- Uvuko lokuqala luyoba ukuqala kwenjabulo engachazeki.

Kufanele ngaso sonke isikhathi sikholwe futhi sizethembe izithembiso zikaNkulunkulu noma ngabe kwenzekani.

Eminye imibuzo esingayibuza:

Umb: Ingabe lalingubani igama lompristi ethempelini na?

Impendulo: UZakariya

Umb: Ingabe kungani uZakariya washaywa ngobumungulu na?

Impendulo: Akazange akukholwe okwashiwo yingelosi.

Umb: Ingabe ngubani igama lendodana kaZakariya nendodana ka-Elizabethi na?

Impendulo: UJohane, kamuva owaziwa ngokuthi uJohane uMbhapathizi

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane, Sengathi singabuzwa ubukhona baKho

Busisa isifundo esizoba naso, Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe, Amen